



Խմբագրատան հասցէ՝

Պէյրուզ. Նահր Իպրահիմ փ.,
Թեքէէան Կեդրոն, 2-րդ յարկ, Ժըմէյզի

Երեւան. Մամուլի շէնք, Զիմսական
Մասնաշէնք, 2-րդ յարկ, 213ա,
Արշակունեաց 2

Լիբանանեան Լուրեր

Լիբանան Մտած Է Շատ Վտանգաւոր Դրութեան Մը Մէջ

Այն ինչ որ կը կատարուի Լիբանանի մէջ մտածել կու տայ, որ անոր համար Նախատեսուած սենարը կ'ընթանայ «մեծ յաջողութեամբ»: Այս մասին կը գրէ «Արեւելք»:

Նշենք, որ եթէ իրավիճակը այս հունով շարունակուի երկիրը ամբողջութեամբ կրնայ մթութեան մատնուիլ: Պէնզինի հարց, Մագուրի հարց, Դեղորայքի հարց, լիբանանեան դրամանիշի արժեքի անկում ու ասկէ անդին ապահովական «սանձարձակ» իրադրութիւն:

Այս բոլորին զուգահեռ կայ Նաեւ Պէյրուզի Նաւահանգիստին պայթումին թեման, եւ այդ հարցի «փակուած» թեմա մնալու խնդիրը, որն աւելիով կրնայ իրաւորել ներ-համայնքային անվստահութիւն եւ սոր լարումներ:

Երեկ երեւելի դարձաւ սոր վեճ մը, որուն հիմքը Նախագահ Աունի կողմէ վարչապետ Տիարի կառավարութեան նիստի գումարման «պահանջ»ն էր, որ մերժուեցաւ Տիարին կողմէ:

Լիբանան մտած Է հետահաշուարկի ընդհանուր դրութիւն մը, որուն ծայրը վտանգաւոր խաղ մը կայ եւ անշուշտ հիմնական «նպատակ»ը ներքին բախումներու վտանգաւոր փուլն է, որ ցաւօք սկիզբ ունի եւ վերջ չունի:

Ի վերջոյ Լիբանանցի ժողովուրդը հասած Է այնպիսի յուսահատական վիճակի մը, որուն համար Էականը միայն կեանքի նուազագոյն պայմաններու ապահովումն է:

Շրջանային Լուրեր

Թուրքիոյ Զեղեղներուն Զետեւանքով Մահերուն Թիւը 27-ի Զասած Է

Թուրքիոյ Աղետներու եւ արտակարգ իրավիճակներու կառավարման վարչութեան (AFAD) յայտնած վերջին տուեալներուն համաձայն՝ հեղեղներուն պատճառով երկրի հիւսիսը գրանցուած մահերուն թիւը հասած Է 27-ի: Այս մասին կը հաղորդէ Ermenihaber.am-ը՝ վկայակոչելով rudaw.net-ը:

Աղբիւրին համաձայն՝ 25 մարդ զոհուած Է Կաստամունու Նահանգին մէջ, իսկ երկու ուրիշներ՝ Սինոփի: Պարթիկի մէջ կորսուած 1 քաղաքացիի որոնողական աշխատանքները կը շարունակուին:

Թուրքիոյ Նախագահ Ռեճեփ Թայիփ Էրտողանը յայտարարած էր, որ Զաստամունի, Սինոփ եւ Պարթիկ Նահանգներուն մէջ առատ տեղումներու հետեւանքով յառաջացած հեղեղումներուն պատճառով զոհուած Է 17 քաղաքացի:

Միջազգային Լուրեր

«Թալէպան» Գրաւեց Գանտահարը

Աֆղանիստանի մէջ ռազմական հունը իր ձեռքերուն առած «Թալէպան» շարժումը գրաւած Է Գանտահարը:

Այս մասին լուրը հաղորդեց «Ռոյթըրզ»:

Աղբիւրը կը նշէ, որ «Թալէպան»ի զինեալներ կարողացած են Գանտահար մուտք գործել, մինչ Աֆղանիստանի երկրորդ կարեւոր քաղաքի օդակայանը, որ մինչ այդ կը համարուէր ՆԱԹՕ-ի կարեւոր կէտ կը շարունակէ մնալ Աֆղան կառավարութեան ձեռքը:

Կը հաղորդուի Նաեւ հաղորդեց, որ «Թալէպան» նոյնպէս իր տիրապետութեան տակ առած Է «Զալմանտ» Նահանգի մայրաքաղաք համարուող «Լաշքըրքահ» եւ ստիպած աֆղան պաշտօնեաներուն արագօրէն լքել այդ շրջանը:

Անցնող տաս օրերուն «Թալէպան» շարժումի զինեալներ մեծ յառաջխաղացք արձանագրած են եւ ըստ կարգ մը վերլուծաբաններուն անոնք Նպատակ դրած են գրաւել մայրաքաղաք Զապուլը:

Հայկական Լուրեր

Ատրպէյճանի Բացած Կրակը Միտումնաւոր Է. «Բանակ Ինֆօ»

Երասխի ուղղութեամբ տեղի ունեցած հրդեհի վերաբերեալ պետք է նշել, որ ատրպէյ-ճանական կողմէն դիտաւորեալ կը կրակեն հրկիզող եւ պայթող փամփուշտներով, յաճախ փորձելով թիրախաւորել դիրքերու ճարտարապետական կառուցուածքի մէջ մտնող անուաղողները, դիմատետրեան իր էջին գրած Է Banak.info կայքի համակարգող Դաւիթ Թորոսեանը:

Նշենք, որ, ինչպէս հաղորդած էր ՊՆ-ն, Ատրպէյճանական զօրքերը երեկ երեկոյեան ժամը 17:20-էն սկսեալ կրակ բացած են Երասխի դիրքերու ուղղութեամբ:



Կարեւոր Զորիզոններ



Հայաստանի Պաշտպանութեան Նախարար Արշակ Կարապետեանի եւ Ռուսաստանի Պաշտպանութեան Նախարար Սերկէյ Շոյկուի վերջին բանակցութիւններով սոր հորիզոն մը ուրուագծուեցաւ Երեւան-Մոսկուա ռազմավարական համագործակցութեան առջեւ: Այս մասին կը հաղորդէ «Ժամանակ»:

Արշակ Կարապետեան, որ վերջին օրերուն աշխատանքային այցելութիւն մը տուաւ Մոսկուա, Սերկէյ Շոյկուի հետ ծաւալուն բանակցութիւններ վարեց՝ անմիջական ուշադրութեան առարկայ դարձնելով Նաեւ Հայաստան-Ատրպէյճան սահմանի առկայ իրադրութիւնը: «Հայաստան պիտի չհանդուրժէ իր սահմանային շրջաններու բռնագրաւումը», ըսաւ Կարապետեան ռուս պաշտօնակցին հետ տեսակցութեան ընթացքին: Կարապետեան-Շոյկու հանդիպման զուգահեռ յայտարարուեցաւ, որ Ռուսաստանի կողմէ Հայաստանին սպառնալուծութեան մատակարարման գործընթացը սկսած Է: Ըստ Շոյկուի, Ռուսաստան պատրաստ Է Հայաստանի զինեալ ուժերու արդիականացման համար օգնութիւն ցուցաբերելու:

Երկու պաշտպանութեան Նախարարներու վարած բանակցութիւններուն զուգահեռ շրջանառութեան մէջ մտած են Նաեւ բազում մեկնաբանութիւններ, ըստ որոնց, Ռուսաստան պիտի փորձէ հայկական բանակի արդիականութիւնը հասցնել իր իսկ բանակի մակարդակին: «Նեգալիսիմայա Կագեթա» յայտնի ռուսական լրատուամիջոցը այս փուլին նշած Է, որ Հայաստան պատրաստ Է Ատրպէյճանի հետ սահմանային խնդիրներու ռազմական լուծման: Այլ վերլուծաբաններ այս փուլին ուշադրութիւն կը կեդրոնացնեն Հայաստան-Ատրպէյճան սահմանին վրայ ստեղծուած իրավիճակին: Այսպէս, ըստ կարգ մը մեկնաբանութիւններու, Պաքու առկայ իր գործողութիւններով հետամուտ Է ոչ այնքան ճնշում գործադրելու Երեւանի վրայ, այլ կը ձգտի պատգամներ յղել Մոսկուային:

ՀԱՂՈՐԴԱԳՐՈՒԹԻՒՆ

Արամ Ա. Կաթողիկոսը Շնորհաւորած Է Փաշինեանը

Ն.Ս.Օ.Տ.Տ. Արամ Ա Մեծի Տանն Կիլիկիոյ Կաթողիկոսը շնորհաւորական ուղերձ յղած է Նիկոլ Փաշինեանին՝ ՀՀ վարչապետի պաշտօնին նշանակուելու կապակցութեամբ:

Շնորհաւորական ուղերձին մէջ, մասնաւորապէս, ըսուած է.

«Վսեմաշուք Պրն. Վարչապետ, Զրիստոնէական սիրով ու Հայրապետական օրհնութեամբ կ'ողջունենք Ձեզ Մեծի Տանն Կիլիկիոյ Կաթողիկոսութեան Անթիլիասի Մայրավանքէն: Կը շնորհաւորենք Ազգային ժողովին ընտրութիւնը, ինչպէս նաեւ Ձեր նշանակումը, որպէս Վարչապետ Հայաստանի Հանրապետութեան ու Նոր կառավարութեան կազմութիւնը: Արդարեւ, հայ ժողովուրդի ու Հայաստանի պատմութեան վճռադրոշմ մէկ հանգրուանին, դուք վերստին կը կոչուիք վարչապետի ծանր ու պատասխանատու պաշտօնին: Պաշտօն մը, որ սովորական իմաստով դիրք ու պատիւ չէ, այլ իր էութեամբ ու նպատակով հայրենակերտումի առաքելութիւն է: Այսօր, ինչպէս գիտեք, մեր հայրենիքը լուրջ տագնապներով շրջապատուած է՝ Ներքին թէ արտաքին: Անոր պետականութեան հիմքերը վտանգուած են:

Յուսահաբութիւնն ու անորոշութիւնը դարձած են տիրական Հայաստանի ու Արցախի ժողովուրդի կեանքէն ներս: Հետեւաբար, ժողովուրդը կը սպասէ որ դուք հայրենիքի վերականգնումի ու վերածաղկումի առաքելութեան լծուիք՝ բարձրագոյն աստիճանի նպատակասլաց պատասխանատվութեամբ ու յանձնառութեամբ: Այս սպասումէն մեկնելով ու այս հեռանկարով, կ'ուզենք Ձեր ազնիւ ուշադրութեան յանձնել հետեւեալ կետերը.

ա) Ազրայէճանի ու Թուրքիոյ միացեալ ուժերով Արցախին դէմ շղթայագերծըած պատերազմը եւ անոր յառաջացուցած մարդկային մեծաթիւ զոհերը, մեր նահատակներու արիւնով ազատագրուած հողերու գրաւումը, հոգեւոր կառոյցներու քանդումը ու հազարաւոր ընտանիքներու տեղահանումը մեր ժողովուրդին մօտ յառաջացուցած են խոր ընդվզում ու յուսաբեկում: Կարելի չէ առանց հաշուետուութեան,

մեր ժամանակակից պատմութեան այս դառն ու մռայլ էջը դարձնել: Հարցումներ կան, որոնք պատասխանի կը սպասեն: Անորոշութիւններ գոյութիւն ունին, որոնք կը կարօտին յստակացման: Փոխադարձ մեղադրանքներ կը կատարուին, որոնք կարիքը ունին լուսաբանութեան: Հետեւաբար, Մեր սպասումն է, որ Նոր ընտրուած Ազգային ժողովը իր օրակարգի առաջնահերթ հարցերէն մէկը դարձնէ բոլոր խմբաւորումներէն բաղկացած յանձնաժողովի մը նշանակումը, որպէսզի ան կարենայ պատերազմին առնչուած բոլոր խնդիրները համապարփակ կերպով ու իրապաշտ մօտեցումով քննել եւ իրապարակային հաշուետուութիւն կատարել մեր ժողովուրդին:

բ) Մեր ժողովուրդին ներքին միասնականութիւնը յատկապէս ներկայ տագնապալից ժամանակներուն անյետաձգելի հրամայական է: Իրաւ միասնականութիւնը տեսակետներու միատեսակութիւն չէ, այլ բազմակարծիքութեան ներդաշնակումն է՝ ի սպաս ազգին ու հայրենիքին գերագոյն շահերուն: Նման միասնականութիւն կը դառնայ ամուր կռուան Հայաստանի պետութեան ամրացման, տոկոս յենարան իշխանութիւն-ժողովուրդ յարաբերութեան և զօրեղ նեցուկ՝ Հայաստանի արտաքին յարաբերութեան: Անհրաժեշտ է, որ ընտրապայքարի օրերուն ծաւալած քաղաքական վատառողջ մշակոյթն ու ներքաղաքական լարուածութիւնը տեղի տան իշխանութիւն-ընդդիմութիւն առողջ ու շինիչ քննադատութեան: Այս կը պահանջէ հայրենիքին շահը:

գ) Հայրենիքին նկարագիր ու դիմագիծ տուող ժողովուրդն է, եւ ժողովուրդը իր իւրայատուկ ինքնութիւնը կ'արտայայտէ ու զայն կը պահէ անեղծ ժամանակի փոշիին դէմ՝ իր բարոյական, հոգեւոր ու ազգային արժէքներով: Այս կը յիշեցնէ մեզի մեր "փոքր ածու"ին գոյատեւումը պատմութեան ահաւոր փոթորիկներուն դիմաց: Ներկայ ժամանակներուն, երբ համաշխարհային մշակոյթի ապագային "արժէքները" սկսած են թափանցել ամէն տեղ, Մեր սպասումն է, որ Հայաստանի իշխանութիւնը, յատկապէս կրթական ու մշակութային կառոյցներու ճամբով մեր ժողովուրդը մղէ ամբօրէն կառչելու մեր ազգի ինքնութիւնն ու հզօրութիւնը



երաշխաւորող արժէքներուն: դ) Արցախը այսօր վիրաւոր է: Անոր ցաւը մեր ողջ ազգին ցաւն է: Մեր հաւաքական յանձնառութիւնը Արցախի անկախութեան նկատմամբ հարկ է պահել ամուր: Արցախի անկախութեան միջազգային ճանաչումը ո՛չ միայն Հայաստանի իշխանութեան առաջնահերթ հարցերէն մէկը պէտք է դառնայ, այլ նաեւ Սփիւռքին: Մեր ազգին հաւաքական ներուժը հարկ է ի սպաս դնել Արցախի անկախութեան ամրապնդման:

ե) Հայաստան-Սփիւռք գործակցութիւնը կենսական կարեւորութիւն ունի թէ՛ Հայաստանին, թէ՛ Արցախին եւ թէ՛ Սփիւռքին համար: Մեր ազգի այս երեք միաւորներուն ներդաշնակ ու սերտ գործակցութիւնը, բնականաբար դերերու բաժանումով ու առաջնահերթութիւններու յստակեցումով, կը նկատենք իրաւայական: Այս շրջագծէն ներս համահայկական օրակարգի մշակումը կը նկատենք էական ու առաջնային:

զ) Արցախի պատերազմը եւ անոր հետեւող Հայաստան-Ազրայէճան-Ռուսիա զինադադարի ստորագրութիւնը փաստօրէն ցուցանիշ է Կովկասէն ներս ստեղծուած աշխարհաքաղաքական Նոր իրավիճակին: Ներկայ վտանգալից կացութիւնը կը պահանջէ, որ Հայաստանի անվտանգութեան ու հողային ամբողջականութեան նկատմամբ իշխանութիւնը ըլլայ զգօն ու անտեղիտալի: Հայաստանին համար վտանգաւոր զարգացումներով յոյ շրջանի պարզած ներկայ իրավիճակը

նաեւ կը պահանջէ "Ո՛չ" ըսելու վճռականութիւն: Արդարեւ, պատմութեան ընթացքին մեծ կայսրութիւններու շահերու խաչմերուկին կռուախնձոր դարձած Հայաստանը իր գոյութիւնը պահեց, թէկուզ երբեմն վիրաւոր, "Ո՛չ" ըսելու իր հաւաքական քաջութեամբ:

է) Երբ այսօր Հայաստանը շրջապատուած է հին ու Նոր ժամանակներու ցեղասպաններով, որոնք կը շարունակեն իրենց ծաւալապաշտական նկրտումները Հայաստանի ու Արցախի նկատմամբ՝ անտեսելով իրենց յանձնառութիւնները ու միջազգային օրէնքի տրամադրութիւնները, անհրաժեշտ է որ հայոց բանակը դառնայ անվի կազմակերպ ու մարտունակ: Նաեւ անհրաժեշտ է որ կարենանք մեր ռազմավարական բարեկամներու ու գործընկերներու ծիրը ընդլայնել: Մեր սպասումն է, Պրն. Վարչապետ, որ հակիրճ կերպով Ձեզի պարզած Մեր մտահոգութիւններն ու մտածումները կարեւորութեամբ նկատի ունենաք, որպէզի կարելի ըլլայ հաւաքական ու հետեւողական ճիգով, խոհեմ ու պատասխանատու ոգիով մեր հայրենիքը առաջնորդել դէպի պայծառ ապագայ:

Կ'աղօթենք առ Բարձրեալն Աստուած, որ անսասան ու ապահով պահէ Հայաստանի ու Արցախի Հանրապետութիւնները եւ Ձեզի պարգեւէ իմաստութիւն ու կորով՝ Ձեր դժուար առաքելութեան մէջ»:

Մարդուն Տարօրինակ Ցատկությունները

ԳԵՈՐԳ ԶԵՕՇԿԵՐԵԱՆ
«Չարթունք»ի երեց Աշխատակից

Ինձի համար շատ հետաքրքրական է դիտել մարդը՝ տարբեր բնագաւառներու մէջ, եւ ուսումնասիրել անոր տարօրինակ յատկութիւններն ու ամփոփել զանոնք՝ կարենալ տրամաբանական եզրակացութեան մը հասնելու համար, անոնց նկատմամբ:

Հիմա պիտի նշեմ մի քանի օրինակներ, որպէսզի կարենամ միտքս պարզել եւ դատողութիւնը ձգել ձեզի:

1. Փողոցային Անցում . . .

Բոլորս ալ շատ լաւ գիտենք որ մարդիկ ինքնաշարժով գործի կ'երթան եւ կամ ալ շուկայ, գնում կատարելու: Բայց ուր որ ալ երթան՝ ինքնաշարժէն ետք անոնք կը հարկադրուին քայլելու, հասնելու համար իրենց մեկնակէտին, չէ՞:

Ուրեմն կեցած ես փողոցին անկիւնը եւ կ'սպասես որ լոյսը կանաչ դառնայ՝ որպէսզի անցնիս միւս կողմը: Անշուշտ սեղմած ես ձողին վրայի կոճակը: Հիմա ուրիշ անցորդ մը կու գայ եւ կը սեղմէ Նոյն կոճակը: Անհամբեր՝ ան անգամ մը եւս կը սեղմէ կոճակը:

Եղբայր, քանի անգամ որ սեղմես կոճակը կամ քանի անգամ որ սեղմես այդ Նոյն կոճակը՝ ան իր ժամանակը որ հասաւ, թոյլ պիտի տայ որ լոյսը կանաչնայ եւ կարենաս փողոցը անցնիլ: Արդեօք այսքանը ըմբռնելը շատ դժուար է՞, չեմ հասկնար:

2. Վերելակի Գործածութիւն . . .

Վերելակն ալ շատ գործածական է մարդուն համար, յատկապէս երբ հարկադրուած ես շէնքի մը վերի յարկերը բարձրանալ՝ գործի բերումով: Շէնք կը մտնես եւ կը սեղմես վերելակին կոճակը որ վերելակը գայ եւ վեր բարձրանաս:

Այն ինչ որ կը պատահի փողոցը անցնելու համար կոճակը սեղմելուն, Նոյնը կը պատահի հոս: Երբ կը սպասես՝ կոճակը սեղմելէ ետք, ուրիշ մը կու գայ եւ կը սեղմէ Նոյն կոճակը: Բարեկամ՝ կոճակը մէկ անգամ սեղմել պէտք է, երկրորդ կամ երրորդ սեղմելը չարացներ վերելակին ժամանումը: Ուստի Նախ Նայիր եւ եթէ կոճակը սեղմուած է՝ քիչ մը համբերէ եւ ապա գործը շարունակէ ու վերջ:

3. Բախտախաղ եւ Մասամբ Նորին . . .

Ձեզմէ ո՞վ քազիս երթալով՝ բախտախաղի չէ մասնակցած: Ընդհանրապէս անձնական ինքնաշարժով գացած ենք Լոս Անճելըսէն Լաս Վեկաս: Բայց պատահած է Նաեւ որ զբօսաշրջական ընկերութեան մը միջոցաւ ալ գացած ենք Լաս Վեկաս: Անոնք՝ ճամփորդական մեծ ինքնաշարժներ կը գործածեն, որոնք կը փոխադրեն 50-60 զբօսաշրջիկներ:



Հիմա թոյլ տուէք բացատրեմ թէ ինչ կը պատահի երբ ինքնաշարժը ճամբայ ելլէ: Նախ՝ կերակուրի խուրձերը կը բացուին եւ ապա կը սկսի կերուիտումի երկարապատիկ գործողութիւնը: Հացին մէջ հաւկիթ, լոլիկ, կանանչ սոխ, վարունգ եւ բարի ախորժակ . . . Անախորժ հոտը տարածելով պասին մէկ ծայրէն միւսը: Յետոյ, Նարինջ եւ սուրճ: Բարեբախտաբար սիկարէթը արտօնուած չէ, այլապէս մոլխի եւ ծուխի մէջ պիտի մխրճուէինք:

Իսկ երբ ինքնաշարժը հասնի քազիս, հանդարտօրէն ճաշ ուտող ճամփորդները կը կերպարանափոխուին եւ խելագարած անփոխի նման՝ զիրար հրմշտկելով կը խուժեն պասէն դուրս, առաջինը հասնելու քազինոյի բախտախաղի սեղանները: Կարծես առաջին հասնողին Նուէր մը վերապահուած է հոն:

Ինձի համար զարմանալի է թէ բախտախաղի սեղանին վրայ մեծ գումարներ վնասելէ ետք՝ ո՞վ շահով դուրս եկած է թող ձեռքը վերցնէ, կ'երթան եւ աժան կերակուր մատուցող (buffet) ճաշարանին առջեւ՝ երկար պոչ կը բռնեն: Բարեկամ, բախտախաղին մսխած գումարները աչքիդ չեն երեւիր՝ սակայն համադամ ճաշի մը համար չես ուզեր դրամ ծախսէ՞լ, այս ի՞նչ մտայնութիւն է՞ չեմ հասկնար: Խնդրեմ բացատրեցէք ինձի:

Հիմա եկէք մտիկ ընենք վերադարձի ճամբուն վրայ՝ ճամբորդներուն զանգատները:

Առաջին ճամբորդ: Այս մեքենաները խեղաթիւրուած են, միայն դրամը կ'առնեն: Մեղք, ահագին դրամ կորսնցուցի:

Երկրորդ ճամբորդ: Ես տունէն եկածի պէս եմ: Ոչ շահեցայ եւ ոչ ալ կորսնցուցի:

Երրորդ ճամբորդ: Բախտ չունիմ եղեր: Մեքենայի մը վրայ կը խաղայի եւ 200 տոլար կորսնցնելէ ետք, քաշուեցայ: Կին մը եկաւ եւ առաջին 25 դաիեկանով Jackpot-ը զարկաւ: Անխիղճ կիներ դրամը առաւ եւ քալեց ու գնաց, առանց ետեւը Նայելու:

4. Ընկերային Հաւաք, Սակա՞յն . . .

Կլենտէյի մէջ հանրային զբօսավայր մը կայ, ուր թէ պզտիկները կ'երթան խաղալու եւ թէ ալ ալեհեր մարդիկ կ'երթան՝ կամ Նարտի խաղալու, կամ թղթախաղով ժամանակ անցնելու եւ կամ ալ քաղաքականութեամբ զբաղուելու: Նման հանրային զբօսավայրեր ալ կան հաւանաբար ամենուրեք: Նարտի կամ թուղթ խաղալէ ետք՝ ալեհեր խումբերուն նկատմամբ, կարգը կու գայ քաղաքականութեան: «Վերլուծում»ը ընդհանրապէս կը կեդրոնանայ Հայաստանի քաղաքական, կրօնական թէ ընկերային զարգացումներուն վրայ: Պարզ սկսած խօսակցական գրոյցը յանկարծ կը տաքնայ եւ կը վերածուի սուր վիճաբանութեան: Հիմա ականջ տանք եւ լսենք թէ ի՞նչ կ'ըսեն անոնք:

ՄԵԿը: Մենք պէտք է դադրինք Ռուսին վրայ հենելէ եւ պէտք է մեր աչքերը դարձնենք դէպի Արեւմուտք:

Միւսը: Առանց Ռուսի թիկունքին՝ մենք չենք կրնար ճակատիլ Թուրք-Ատրպէյճան միասնական հզօր զօրքին դէմ:

Երրորդը: Եթէ Արցախի կարեւոր մէկ մասը պիտի զիջէինք Ատրպէյճանին, հապա ինչո՞ւ չորս հազար երիտասարդ զոհ տուինք: Պէտք է կանուխէն համաձայնեմք ու վերջ:

Վիճաբանութիւնը պիտի վերածուէր կռիւի, եթէ տրամաբանութիւն ունեցող երեց մը չմիջամտէր ըսելով, «Դուք քաղաքականութենէ ի՞նչ կը հասկնաք՝ ելէք գացէք ձեր տուները եւ հանդարտեցէք քիչ մը, որպէսզի վաղը առաւօտ՝ թարմ միտքերով վերադառնաք:»

Մարդուն վերոյիշեալ յատկանիշները՝ նշմարուած իմ կողմէ, տակաւին ամբողջական չեն: Ինչո՞ւ, որովհետեւ մարդը բարդ արարած մըն է եւ զայն լիովին ուսումնասիրելը գրեթէ անհնարին գործողութիւն մը՝ որ անհատ մը առանձին չի կրնար գլուխ հանել, չէ՞ք խորհիր . . .

Միջազգային Լուրեր

Բանտի Գրաւում եւ Բանտարկեալներու Ազատ Արձակում



Աֆղանիստանի մէջ գործունէութիւն իրականացնող ծայրայեղական «Թալեպան» շարժման ներկայացուցիչ Չապիուլլա Մուճահիտը յայտարարած է աֆղանական Զանտահար քաղաքի կեդրոնական բանտը գրաւելու մասին: Այս մասին յայտնած է ԹԱՍՍ-ը:

Թալեպաններու խօսքով՝ հարիւրաւոր բանտարկեալներ ազատ արձակուած են, իսկ բանտի աշխատակիցները յանձնուած են իրենց:

Վերջին շրջանին թալեպանները մեծ յաջողութիւններ գրանցած են Աֆղանիստանի մէջ՝ գրաւելով գիւղատնտեսական նշանակութեան տարածքներ, յարձակելով խոշոր քաղաքներու վրայ:

Վերջին յարումները տեղի կ'ունենան Աֆղանիստանէն ամերիկեան զինուած ուժերու դուրս բերման ֆոնին:

Հայկական Լուրեր

Նոր Հնարաւորութիւններ

Գերմանական Lufthansa օդային ընկերութիւնը արդէն վերադարձած է Հայաստանի շուկայ: Ան Եւրոպայի եւ ընդհանրապէս աշխարհի յառաջատար օդային ընկերութիւններէն մին է: Lufthansa-ի սաւառնակը այս առաւօտ իրականացուց Ֆրանքֆուրթ-Երեւան թռիչքը եւ Չուարթինգ օդակայանին մէջ հանդիսաւոր արարողութիւն մը տեղի ունեցաւ անոր առաջին վայրէջքին առթիւ: Այս մասին կ'իմանանք «Ժամանակ»-էն:

Երկար ժամանակէ ի վեր Հայաստանի շուկայէն դուրս եկած էր Lufthansa-ն, որ ներկայիս որոշած է վերադառնալ: Առաջին թռիչքին ընդառաջ, ընկերութեան ներկայացուցիչները մամուլը ասուլիս մը սարքեցին Երեւանի Չուարթինգ օդակայանին մէջ եւ զանգուածային լրատուութեան միջոցներու ներկայացուցիչներուն բացատրութիւններ տուին այս փուլի ակնկալութիւններուն եւ ստեղծուած հնարաւորութիւններուն շուրջ:

Լիբանանահայ Դպրոց

2020-2021. Մեսրոպեան Արուեստից Վարժարանի 30 Աշակերտներ Ստացան Աւարտականի Վկայական

Տաճկապետով եւ բազում դժուարութիւններով լեցուն յաջորդական երկրորդ տարեշրջանին եզրափակումին, 6 Օգոստոս 2021-ին տեղի ունեցաւ Հայ կաթողիկէ Մեսրոպեան Արուեստից վարժարանի ամառային հանդէսը, որուն ընթացքին վարժարանի 30 աշակերտներ եւ ուսանողներ ստացան իրենց աւարտականի վկայականները: Հաշուի առնելով քորոնա վարակով պայմանաւորուած իրավիճակը, այս տարի եւս Արուեստիցին հանդէսը տեղի ունեցաւ Երկրորդականի հանդէսէն առանձնաբար:



աւարտականի իր վկայականը: Այս առիթով աւարտականներուն ուղղուած իր խօսքին մէջ պարոն Կրէկուար Գալուստ կոչ ուղղեց ուսման եւ կեանքին մէջ գօտեպնդուիլ այն կամքով, վճռականութեամբ եւ հոգեկան քաջութեամբ, որով հանգուցեալ Ներսէսը դիմաւորեց անողոք հիւանդութիւնը եւ պայքարեցաւ անոր դէմ մինչեւ վերջ:



2020-2021 տարեշրջանի աւարտական հունձքը կոչուեցաւ վարժարանի ՊԷ.ԹԷ. դասարանի այս տարուան շրջանաւարտ, վաղամեռիկ Ներսէս Ներսէսեանի անունով, որ երկարատեւ հիւանդութենէ ետք աչքերը փակեց սոյն տարուան Յունիս 19-ին: Մահուընէ երեք օր առաջ, Արուեստիցի տնօրէն պարոն Կրէկուար Գալուստ այցելած էր Ներսէսին եւ անոր յանձնած՝



Ան կոչ ուղղեց չընկրկիլ կեանքի դժուարութիւններուն դէմ, որոնք յատկապէս ներկայիս կը ծանրանան բոլորիս վրայ, եւ հաստատուն մնալ մանաւանդ Հաւատքին մէջ, որպէս բանալի՝ բոլոր տաճկապետներու յաղթահարման: Պարոն Գալուստ



թելադրեց ըլլալ ու մնալ միշտ աշխատասէր, քանզի միայն այդպէս կարելի է մնալ մտքով ու հոգով առողջ, լաւապէս կայանալու համար կեանքի թէ ուսման ասպարէզներուն մէջ:



Հանդէսին ընթացքին ուսուցչական կազմին անունով խօսք առաւ տիկին Ռաբէլ Զեչեճեան: Աւարտականները արտասանեցին յաւուր պատշաճի խօսքեր, իսկ գեղարուեստական կատարումներու շարքին, խմբովին ելոյթ ունեցան “Դէպի երկինք” երգով, նուիրուած Ներսէս Ներսէսեանի յիշատակին:

Աւարտին, Մեսրոպեանի Արուեստից վարժարանի ՊԷ.ԹԷ. եւ ԹԷ.Էս



Հայ կաթողիկէ Մեսրոպեան Արուեստից Վարժարանի Տնօրէնութիւն



Մարզական

ՀԵԸ Անդրանիկ Պեյրուբի Տղաքը Եւ Աղջիկները Լիբանանի Փինկ Փոնկի 19 Տարեկանէն Երիտասարդներու Ախոյեան



ՀԵԸ Անդրանիկ Պեյրուբի ճիւղերը (19 տարեկանէն վար) զոյգ կազմերը՝ տղաք եւ աղջիկներ շահեցան Լիբանանի փինկ փոնկի խմբային ախոյեանութեան տիտղոսները:

Մրցաշարքերը տեղի ունեցան Լիբանանի փինկ փոնկի ֆետերաասիոնի հովանաւորութեան տակ, 5-7 Օգոստոս 2021-ին, Մոն Լա Սալի մէջ:

ՏՂԱՔ
Տղոց ախոյեանութիւնը կ'ընդգրկէր զուտ անհատական հինգ մրցումներ: Ախոյեանութեան տիտղոսին համար պայքարեցան 25 ակումբներ: ՀԵԸ-ի պատանիները պարտութեան մատնեցին իրենց բոլոր մրցակից խումբերը եւ շահեցան առաջնութիւնը: Ընդհանուր դասաւորում՝
1- ՀԵԸ Անդրանիկ Պեյրուբի

2- Զըֆարշիմա
3- Ղատիր Ճեպշիթ
ՀԵԸ Անդրանիկ Պեյրուբի ներկայացուցին Սաատ ալ Ռապաշը, Մուհամմետ ալ Ռապաշը, Շերաֆ Էսթեֆանը եւ Էլի Էսթեֆանը: ԱՂԶԻԿԵՐ

Աղջկանց ախոյեանութիւնը կ'ընդգրկէր անհատական եւ զոյգերու մրցումներ: Ախոյեանութեան մասնակցեցան 13 ակումբներ: ՀԵԸ Անդրանիկի պատանուիկները պարտութեան մատնեցին իրենց բոլոր մրցակիցները եւ շահեցան ախոյեանութեան տիտղոսը:

Ընդհանուր դասաւորում՝
1- ՀԵԸ Անդրանիկ Պեյրուբի
2- Աիլի Սայտա
3- Տար Էլ Նուր

ՀԵԸ Անդրանիկ Պեյրուբի ներկայացուցին Լեթիսիա Ազարը, Թալիա Ազարը եւ Ժոյէլ Բասապը: Չոյգ խումբերուն մարզիչն է Մալէք ալ Թաուիլը, իսկ մարզչական-վարչական հարցերու ընդհանուր պատասխանատու, փինկ փոնկի ֆետերասիոնի անդամ՝ Սահակ Պիտինեանը:

Զերմապէս կը շնորհաւորենք ՀԵԸ Անդրանիկ Պեյրուբի վարչական պատասխանատուները, մարզչական կազմը եւ մարզիկները այս փայլուն յաղթանակներուն առիթով:

Առողջապահական

Կրծքագեղձի Զաղցկեղի Ուռուցքային Բջիջներու Բուժման Նոր Մեթոտ



Կրծքագեղձի քաղցկեղի բուժման նոր մեթոտը կը սպաննէ ուռուցքային բջիջներու 95-100 առ հարիւրը: ErSo դեղը, որ մշակած են Իլինոյսի համալսարանի գիտնականները, արագօրէն կը կրճատէ ոչ միայն առաջնային ուռուցքները, այլ նաեւ յաջողութեամբ կը պայքարի «մեթասթազ»-ներու դէմ:

Նոյնիսկ երբ քանի մը քաղցկեղային բջիջ կը վերապրի, նորագոյացութիւնները կը մնան

ամբողջովին զգայուն ErSo-ի օգնութեամբ՝ բուժման նկատմամբ, հաղորդած է MedicalXpress-ը: Քանի որ կրծքագեղձի քաղցկեղի պարագաներու մօտաւորապէս 75 առ հարիւրը դրական կը նկատուի «Էսթրոճենի ռիսէփթըր»-ներու բաժինով, ErSo-ն կրնայ բաւական արդիւնաւետ ըլլալ կրծքագեղձի քաղցկեղի առաւել տարածուած ձեւի դէմ: Բացի ատկէ, դեղը կրնայ աշխատիլ այն քաղցկեղային հիւանդութիւններուն դէմ, որոնք չեն նկատուիր սովորաբար դրական «Էսթրոճեն»-ի բաժինով: Սակայն մարդոց պարագային, այդ դեղը տակաւին չէ փորձուած, եւ յայտնի չէ, թէ ե՞րբ կը ծրագրուի սկսիլ նման հետազոտութիւնները:

Afhil.com

Ֆութպոլ

ՀԵԸ Անդրանիկ Արժանաւորապէս Բարձրացաւ Երրորդ Դասակարգ



ՀԵԸ Անդրանիկ ֆութպոլի խումբը փայլուն արդիւնքներով աւարտեց Լիբանանի ֆութպոլի Դ. դասակարգի ախոյեանութեան զտման փուլի մրցումները եւ բարձրացաւ Գ. դասակարգ:

Դ. դասակարգի ախոյեանութեան մասնակցեցան Լիբանանի հինգ նահանգները ներկայացնող 96 խումբեր: Ախոյեանութիւնը ընթացաւ նահանգային դրութեամբ, ուր հինգ նահանգներու ընդհանուր դասաւորումներուն գլխաւոր երկու դիրքերը գրաւող կազմերը անցան երկրորդ փուլ (թիւով՝ տասը խումբ): Երկրորդ փուլ անցնող տասը խումբերը երկու խմբակներու բաժնուելով, մրցեցան իրարու դէմ: ՀԵԸ Անդրանիկի տղաքը այս փուլին արձանագրեցին երկու յաղթանակ, մէկ հաւասարութիւն, կրելով մէկ պարտութիւն եւ բարձրացան

Գ. դասակարգ:

Իրենց վերջին մրցումին, ՀԵԸ Անդրանիկի տղաքը՝ 0-0 արդիւնքով հաւասարութիւն մը արձանագրեցին Զուտայի դէմ: Այս արդիւնքը բաւարար էր որպէսզի ՀԵԸ Անդրանիկ ապահովէ Գ. դասակարգ բարձրանալու ուղեգիրը: Մրցումը տեղի ունեցաւ Շաբաթ, 7 Օգոստոս 2021-ին, Պիամտունի մէջ:

ՀԵԸ Անդրանիկի մարզիչն է Ղայսան Սայլամէ: Վարչական պատասխանատուները՝ Պեյրուբի ֆետերասիոնի ՀԵԸ-ի ներկայացուցիչ՝ Վահէ Ռաքիմեանը, Յակոբ Աքրապեան, Անդրանիկ Գոճաւաքեան, Կարօ Եալմանեան, Սեդրակ Արթին, Յովսէփ Մոսկոֆեան:

ՀԵԸ-ի համակիրներուն անունով կը շնորհաւորենք ՀԵԸ Անդրանիկի մարզիկները եւ վարչական պատասխանատուները:

Մեր Կորուստները

Ո՛չ Եւս Է Ռաֆֆի Հերմոն Արաքս



Երեւանի մէջ, կեանքի 63 տարեկան հասակին, մահացեր է սփիւռքահայ յայտնի լրագրող Ռաֆֆի Հերմոն-Արաքսը: Ռաֆֆի Հերմոն Արաքս ծնած է Պոլիս, ուր յաճախած է Կեդրոնական Վարժարանը, միեւնոյն ատեն հետեւելով տեղւոյն քաղաքապետարանի թատրոն-դպրոցի դասընթացներուն: Աւարտած է Երեւանի Պետական Մանկավարժական Համալսարանի մշակութիւն բաժինը: Ծառայած է հայ թատրոնին, մանաւանդ որպէս մնջախաղի դերասան:

Ռաֆֆի Հերմոն Արաքս լրագրողական ասպարէզին նուիրուած է Փարիզի մէջ, որպէս «Ազգ»

օրաթերթի թղթակից: Տարբեր տարիներուն ապրած է Պոլիս, Փարիզ եւ Երեւան: Ֆրանսայի նախագահ Ժաք Շիրաքի կողմէ արժանացած է Ժողովրդական դիւանագետ տիտղոսին: 90ականներուն, Ֆրանսայի Ռ.Ա.Կ.-ի շարքերէն ներս, տարած է կուսակցական աշխոյժ գործունեութիւն: Անդամակցած է Թուրքիոյ մարդկային իրաւանց եւ ժողովրդավարական հասարակական կազմակերպութիւններուն, Հայաստան-Թուրքիա երկխօսութեան ջատագով մտաւորականներու համախմբումին, ինչպէս նաեւ պաշտօններ վարած է Պոլսոյ քաղաքային իշխանութեանց մէջ: Ռաֆֆի Հերմոն Արաքս 2015ին վերադարձած էր Երեւան եւ կը դասաւանդէր Երեւանի Պետական Համալսարանին մէջ, միեւնոյն ատեն թղթակցելով առցանց մամուլին: Այս տխուր առիթով, «Չարթունք» խորունկ ցաւակցութիւններ կը յայտնէ տարաբախտ մեր ընկերոջ հարազատներուն եւ մտերիմներուն:

Սուրբ Աստուածածնայ Վերափոխման Տօն

ՎԱՐԱՆԴ ՔՈՐԹՄՈՍԵԱՆ

Կիրակի, 15 օգոստոս 2021-ին, Հայ Առաքելական Սուրբ Եկեղեցին պիտի յիշատակէ Սուրբ Մարիամ Աստուածածինին Վերափոխման տօնը: Տօն մը, որ մեզի ծնողասիրութեան եւ ծնողայարգութեան բացառիկ օրինակ մը կու տայ, որովհետեւ Ս. Աստուածածինին Միածին Որդին՝ Տէր Յիսուս Զրիստոս, իր մօր ննջումէն ետք եկաւ եւ վերափոխեց զինք դէպի երկնային կայաններ: Աստուածածինի վերափոխման տօնը իւրաքանչիւր հաւատացեալի համար առիթ մըն է ինքնաքննութեան, ինքնամաքրումի եւ պատրաստ ըլլալու դիմաւորելու Աստուածորդին: Աւելին. առիթ մըն է վերանայելու մեր հաւատարմութիւնն ու վստահութիւնը Աստուծոյ նկատմամբ: Այս առիթով մեր ընթերցողներու ուշադրութեան կը յանձնենք Ս. Աստուածածինին նուիրուած մի քանի տաղեր՝ տարբեր հեղինակներու կողմէ գրուած:

Առաջին տաղը կը պատկանի Խաչատուր Խասաթէ Երեց Կաֆացիին (տաղասաց, բանաստեղ, ուսուցիչ. 1610-1686թթ.).

Ի քեզ յուսամ, հոգով տաճար անեղին,
Կոյս Մարիամ, ծնող եւ մայր Արարչին,
Չծնեալդ ի քէն Յիսուս աստուած դաւանիմ
Եւ զծնողդ Աստուածածին խոստովանիմ:

Խոստովանիմ զանճառ բանն հայրական,
Որ ի ծոց Հօր ծնեալ նախքան զաւիտեան,
Էջ աւետեօք յարգանդ քո սուրբ կուսական,
Մաքրագարդեաց զկուսութիւնդ անապական:

Անապական տաճար բանին մայր եւ կոյս,
Յամէն լեզուէ օրհնեալ պտուղ քո եւ բոյս,
Չքեզ ունիմ միջնորդ, կենաց ճար եւ յոյս,
Ի նեղութեան ժամոյն օգնեա եղկելոյս:

Սափոր ոսկի մանանային երկնաւոր,
Հրեշտակապետք եւ հրեշտակք քեզ սպասաւոր,
Դու թագուհի, Որդիդ յերկնից թագաւոր,
Քան զքերովբէսն գտար բարձր եւ փառաւոր:

Պարտէզ փակեալ աստուածատունկ եղեմայ
Եւ առաքումն քո ի դրախտ նռնենայ,
Դու ծառ կենաց, անմահ տնկոյն յԱդիւնայ,
Պտուղդ աստուած, երանեալ կոյս գերակայ:

Երկրպագեմ սրբոյ կուսիդ բերկրական,
Որ ի Տեառնէ լցար շնորհիւ զանազան,
Քեզ երանեն ազգք եւ ազինք ամենայն,
Չի դու եւ մայր կենաց մեզ անմահութեան:

Կողկողելով հայցեմ ի քէն, մայր Բանին
Միջնորդ եւ բարեխօս անճառ անհասին,
Դու աղաչեա վասն իմ Որդիդ միածին,
Չի դասեսցէ ընդ դասս ընտրեալ իր հօտին:

Էրագընթաց ամանակիս թիւ հազար,
Հարիւր 'Լ երկուտասան ընդ իւր միաշար,
Ի Խասաթէկ լցեալ մեղօք չարաչար,
Մակագրեցաւ երգս ի քարտիս ի նորաշար:

Երկրորդ տաղը կը պատկանի Ասապով անունով հեղինակին, որ ապրած եւ գործած է 17-րդ դարուն Սպահանի մէջ: Ծննդեան եւ մահուան թուականները անյայտ են, ինչպէս նաեւ քիչ տեղեկութիւններ կան իր մասին: Անտիպ տաղերու հեղինակ է, որոնց մէջ ինքզինք անուանած է «Խաւարեալ Ասապով», «Կոյր Ասապով», «Խել Ասապով», «Խել Աստուածապով», «Ողորմելի Աստուածապով»:

Առ քեզ գոչեմ արտասուելով,
Աղաղակեմ ողբալով,
Հոգոց հանեմ հառաչելով,
Մեղայ ասեմ միշտ լալով.
Կոյս Մարիամ, Աստուածածին, Է,
Օգնեա խաւարեալ գերոյս:

Սրտաբեկեալ տարակուսիմ,
Մահու յահէն յոյժ զարհուրիմ,
Չքեզ յիշելով միսիթարիմ,
Ողորմութեան քո ակն ունիմ.
Կոյս Մարիամ, Աստուածածին, Է,
Օգնեա խաւարեալ գերոյս:

Աշխարհս է ծով, ես կու ծփիմ,
Նաւաբեկեալ ընկղմիմ,
Ինձ ձեռն տու, հա՛ն ի ծովէս,
Չի միայն յոյս, կորնչիմ.
Կոյս Մարիամ, Աստուածածին, Է,
Օգնեա խաւարեալ գերոյս:

Պարտաւորեաց զիս թշնամին
Եւ արար կոխան ոտին,
Չքեզ աղաչեմ կողկողագին,
Փրկեա ի ձեռաց չարին.
Կոյս Մարիամ, Աստուածածին, Է,
Օգնեա խաւարեալ գերոյս:

Ողորմագին ձայնիւ գոչեմ,
Պաղատելով աղերսեմ,
Անկեալ առ յոտս քո, հառաչեմ,
Օգնութիւն գերոյս խնդրեմ.
Կոյս Մարիամ, Աստուածածին, Է,
Օգնեա խաւարեալ գերոյս:

Վա՛յ զիս, որ մոլորեցայ,
Յանհուն մեղօք ես կորայ,
Ո՛վ մայր կենաց, ինձ ողորմեա,
Ցրուեալ գերիս ժողովեա.
Կոյս Մարիամ, Աստուածածին, Է,
Օգնեա խաւարեալ գերոյս:

Կուր Ասապով, քանի՞ կաս քուն,
Մեղայ ասա, լեր արթուն,
Մատո Կուսին միշտ գոհութիւն
Եւ իւր Որդոյն օրհնութիւն.
Կոյս Մարիամ, Աստուածածին, Է,
Օգնեա խաւարեալ գերոյս:

Յաջորդ տաղը Սուրբ Ներսէս Շնորհալի Հայրապետի գրիչին կը պատկանի.

ՏԱՂ ՓՈԽՄԱՆ ԱՍՏՈՒԾԱԾՆԻՆ, Ի ՆԵՐՍԵՍԷ

Նոր քերովբէ հողանիւթ, աթոռ էից բարձողին,
Աստուածածին՝ սուրբ տաճար Բանին, ը՛, Հաւր,
Երկինք երկնից ի յերկրի ցուցար, ո՛վ սըրբուհի Կոյս,
Մարիամ՝ մայր Աստուծոյ անհարսնացեալ:

Րոպէից կուսից համայնից մարդկան ծագեցեր յոյս,
Նոր արեւելք արեգականն արդարութեան,
Սա այսաւր իջեալ զաւրաւք հրեշտակաց առ քեզ, կոյս եւ մայր,
Բարձրացոյց ըզքեզ ի վերինն Երուսաղէմ:

Եկեալ եւ դասք սուրբ առաքելոցն ի փոխումըն քո,
Համաձայն զըլարթնոցն գովէին զաւրինեալդ ի կանայս:
Սոցին նըման եւ մեք երգեսցուք քեզ, տիրուհի սուրբ,
Ընդ սրովբէից դասուց բարձրացելոյդ ի փառս:



ՏՈՆ ՎԵՐԱՓՈԽՄԱՆ ՍՈՒՐԵ ԱՍՏՈՒԱԾԱԾՆԻ ԵՆ ՈՒԽԱՏԻ ՕՐ ՍՈՒՐԵ ԱՍՏՈՒԱԾԱԾԻՆ ՎԱՆՔԻ



ՇԱԲԱԹ, 14 ՕԳՈՍՏՈՍ 2021

Հոգեկան գոհունակությամբ այսու կու գանք մեր ժողովուրդի զաւակներուն յայտնելու, որ Աստուածածնայ վերափոխման տօնը եւ Ս. Աստուածածին Վանքի Ուխտի օրը պիտի նշուին Շաբաթ, 14 Օգոստոս 2021-ին, երեկոյեան ժամը 08:00-ին, Պիքֆայայի Ս. Աստուածածին Վանքի համալիրէն ներս:

Սուրբ եւ Ամմահ Պատարագին պիտի նախագահէ եւ Հայրապետական իր պատգամը փոխանցէ՝

**Ն.Ս.Օ.Տ.Տ. ԱՐԱՄ Ա.
ՎԵՐԱՓՈԽ ԶԱՅՐԱՊԵՏ**
Պիտի պատարագէ՝
**ԳԵՐՇ. Տ. ՄՈՒՇԵՂ ԱՐՔ.
ՄԱՐՏԻՐՈՍԵԱՆ**

Կարեւորութեամբ կ'ուզենք նշել հետեւեալ կետերը.-

1) Նկատի առնելով Լիբանանէն ներս ստեղծուած ընկերային ու տնտեսական ծանր պայմանները, այս տարի մատաղ (հերիսա) պիտի չպատրաստուի, այլ միայն խաղողի օրհնութեան կարգ տեղի պիտի ունենայ:

2) Փոխան մատաղցու ոչխարի, ուխտաւորները իրենց ուխտի ընծաները կրնան կատարել բարեսիրական հաստատութիւններու:

3) Անհրաժեշտ է, որ մեր ժողովուրդի զաւակները դիմակ գործածեն արարողութիւններուն մասնակցելու ժամանակ:

ԾԱՆՕԹ.- Փոխադրակառքեր տրամադրուած պիտի ըլլան ժամը 6:30-ին հետեւեալ վայրերէն՝
. Զալքա (Թիքօ Թիքօ) - Անթիլիասի Մայրավանք
. Ս. Աստուածածին եկեղեցի

. Խալիլ Պատաուի եւ Հաճըն (Օլիմբիք) - Ս. Վարդանանց եկեղեցի

. Ս. Ազնէս վարժարան

. Պուրճ Համուտի Ազգային Ծերանոց

. Ս. Յովհաննու Կարապետ եկեղեցի

. Ս. Երրորդութիւն մատուռ (Ֆանար)

...

ԿԻՐԱԿԻ, 15 ՕԳՈՍՏՈՍ 2021

Անթիլիասի Սուրբ Գրիգոր Լուսաւորիչ Մայր Տաճարին մէջ պիտի մատուցուի Սուրբ եւ Ամմահ Պատարագ:

Պիտի պատարագէ ու քարոզէ՝

ԳԵՐՇ. Տ. ՇԱՅԱՆ ԱՐՔ. ՍԱՐԳԻՍԵԱՆ

Յաւարտ Ս. Պատարագին տեղի պիտի ունենայ խաղողի օրհնութիւն:

...

**ԵՐԿՈՒՇԱԲԹԻ, 16 ՕԳՈՍՏՈՍ 2021
(ՄԵՌԵԼՈՑ)**

Պիքֆայայի Սուրբ Աստուածածնի մատրան մէջ պիտի մատուցուի Սուրբ եւ Ամմահ Պատարագ, որու աւարտին, նախագահութեամբ՝

**Ն.Ս.Օ.Տ.Տ. ԱՐԱՄ Ա.
ԿԱԹՈՂԻԿՈՍԻՆ,**


տեղի պիտի ունենայ հոգեհանգիստ՝ ազգիս համօրէն ննջեցելոց հոգիներուն ի հանգիստ:

ԴԻԼԱՆ Կաթողիկոսարանի

ԲԱՆ ՈՒ ԳԻՐ

Հմայում է ինձ լապտերը փողոցային,
հմայում են մանրկէները անմարմին,
հմայում է պատուհանի ջահը թարթող,
հմայում են հայելիները կախարդող.-
ու փողոցում թերթեր ծախող զուարթ տղան,
եւ կառքերն ու վազքը նրանց յաւերժական,
եւ զանգերի երգը տխուր ու հոգեթով -
գորշ առօրեան՝ իր ձանձրոյթով ու հեքիաթով:

Ե. Հարենց



ՄՇԱԿՈՒԹԱՅԻՆ ՕՐԱՑՈՅՑ

**14 2021
ՕԳՈՍՏՈՍ**

Կրկ	Երկ	Երք	Չրք	Հնգ	Ուրք	Շրք
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

Հայկական Լուրեր

Նոր Հնարաւորութիւններ

Սկիզբը Էջ 03

Առաջին ժամանման արարողութեան ներկայ գտնուեցան Հայաստանի Տարածքային կառավարման եւ ենթակառուցութեան նախարար Կոնստանտին Սիմոնեան եւ Երեւանի մօտ Գերմանիոյ դեսպան Սիլվիա Դանցհաֆ: Lufthansa-ն ամրան շրջանին ամեն շաբաթ մինչեւ 16 թռիչք պիտի իրականացնէ դէպի Երեւան: Այսպէսով Հայաստանի քաղաքացիները հնարաւորութիւն կ'ունենան ճամբորդել 280 ուղղութիւնով՝ դէպի աշխարհի 100 երկիր: Ամեն օր թռիչքներ պիտի իրականացուին Երեւանի եւ Վիեննայի միջեւ: Բաց աստի, շաբաթը երեք անգամ՝ Երեւան-Ֆրանքֆուրթ, շաբաթը հինգ անգամ՝ Երեւան-Պրիւքսել եւ շաբաթը անգամ մը՝ Երեւան-Բեռլին ուղղութիւններով թռիչքներ նախատեսուած են:

«Արմենփրէս»-ի հաղորդումներով, «Արմենիա»

միջազգային օդակայաններու ընկերութեան տնօրէն Մարսելօ Վենտե երեկուան մամուլի ասուլիսի ընթացքին նշեց, որ Lufthansa-ն աշխարհի ամենահեղինակաւոր ու վստահելի օդային ընկերութիւններէն մին է: Երկար դադարէ վերջ անոր դէպի Հայաստան թռիչքներ հաստատելը պիտի խթանէ նաեւ երկրի զբօսաշրջութիւնը: Վենտե շեշտեց, որ իրենք պատրաստ են Lufthansa-ի խումբին աջակցիլ անհրաժեշտ բոլոր հարցերուն մէջ՝ այս նոր ուղղութիւններուն վրայ յաջողութեան համար:

Գերմանական ընկերութեան ներկայացուցիչներն ալ դիտել տուին, որ յաճախորդներու պահանջարկի աճը գիրենք մղած է ընդլայնել թռիչքներու ժամանակացոյցը: Անոնք յայտնեցին, որ դէպի Հայաստան թռիչքներու գծով իրենք ունին բաւական մեծ փորձառութիւն: Արդարեւ, նախապէս, 2005 թուականին Lufthansa-ի օդանաւերը կ'իրականացնէին Երեւան-Միւնիխ թռիչքները:



**ԷՏՄՈՆ ԵԱՂՃԵԱՆ
(1903 – 1997)**

«Մանհաթընը 1930-ականներուն»

Հայկական Լուրեր

Կարելուր Հորիզոններ

Սկզբը Էջ 01

Արշակ Կարապետյան Մոսկուայի մեջ ընդգծեց, որ ներկայիս հայ-ռուսական ռազմաքաղաքական յարաբերությունները կը գտնուին անսահման թափանցիկության մակարդակի տեղափոխություն փուլին մեջ: Արդարեւ, երկու երկիրներու պաշտպանության նախարարները շարք մը կարելուր համաձայնություններու հասած են համագործակցության ապագայ ծրագրերուն շուրջ: Իր կարգին, Սերկեյ Շոյկու ըսաւ. «Հայաստան Ռուսաստանի դաշնակիցը եւ առանցքային գործընկերն է Անդրկովկասէ ներս խաղաղության ապահովման գործին մեջ եւ մենք չափազանց հետաքրքրուած ենք այդ տարածքաշրջանէն ներս խաղաղության պահպանմամբ»: Շոյկու աւելցուց, որ Ռուսաստան պիտի շարունակէ առաւելագոյն ջանքեր գործադրել Հայաստանի սահմանամերձ շրջաններէն ներս ստեղծուած իրավիճակի խաղաղ հանգուցալուծման համար:

Մոսկուայի բանակցություններուն ընթացքին օրակարգի վրայ եկան նաեւ Արցախէ ներս Ռուսաստանի խաղաղապահ զօրախումբի գործունեության վերաբերեալ հարցեր: Երկու պաշտպանության նախարարները կարծիքի փոխանակումներ ալ ունեցան տարածքաշրջանային եւ միջազգային անվտանգության ապահովման ուղղեալ խնդիրներու շուրջ:

Միւս կողմէ, վերջին օրերուն Պաքուէն կատարուեցան բաւական զարմանալի յայտարարություններ: Ատրաբեյքանի Արտաքին գործոց նախարարութիւնը պնդեց, որ Հայաստան կը խախտէ Երեւան-Մոսկուա-Պաքու առանցքին վրայ ձեռք բերուած եռակողմանի համաձայնությունները եւ Արցախի մէջ կը կուտակէ նոր զօրքեր: Երեւանի ղեկավարութիւնը երբեք անմիջապէս արձագանգեց այդ յայտարարութեան: Հայաստանի Արտաքին գործոց նախարարութիւնը բացայայտ կեղծիք համարեց Ատրաբեյքանի պնդումները, ըստ որոնց եռակողմանի յայտարարութիւնը կը նախատեսէ հայկական զօրամիավորումներու Արցախէն դուրս բերուիլը: Դիւանագիտական

հարթութեան վրայ ստեղծուած բանավեճին առընթեր, Պաքու կը շարունակէ սահմանի պարագային որդեգրած մտահոգիչ ընթացքը: Երեւանի պաշտօնական աղբիւրները երբեք արձագանգ հանդիսացան հերթական ղեպերուն: Այսպէս, 15.30-20.00-ին Ատրաբեյքանի զինեալ ուժերու ստորաբաժանումները հերթական սադրանքը իրականացուցած են՝ զանազան տրամաչափով հրաձգային զինատեսակներով կրակ բանալով սահմանի Երասխի հատուածի հայկական դիրքերուն վրայ:

Հայաստանի Պաշտպանության նախարարութիւնը տեղեկացուց, որ հայ դիրքապահներու պատասխան գործողություններէն վերջ կրակը դադարած է եւ հայկական կողմէն ղեպերուն հետեւանքով տուժածներ չեն եղած: Ժամը 23.00-ի դրութեամբ սահմանի վրայ յարաբերական կայունութիւնը վերահաստատուած է:

Ատրաբեյքանի բանակի սադրանքները երբեք շարունակուեցան նաեւ Արցախի ուղղութեամբ: Այսպէս, օրուայ առաջին կեսին Ատրաբեյքանի հարուածային անօդաչու թռչող սարքեր արձակեց դէպի Արցախի Պաշտպանության բանակի մարտական դիրքերը: Հայկական կողմը կորուստներ չէ ունեցած: Դեպքին կապակցութեամբ համապատասխան տեղեկութիւն եւ փաստեր տրամադրուած են ռուսական խաղաղապահ զօրքերու հրամանատարութեան:

ՄԱՅԱԶԴ

Տեր եւ տիկին Արամ Մալեան եւ զաւակունք
Տեր եւ տիկին Ռաֆֆի Մալեան եւ զաւակունք
Տեր եւ տիկին Էլի եւ Անի Հարիգա եւ զաւակունք
Տեր եւ տիկին Յովիկ եւ Սիլվա Ֆրէնկիչեան եւ զաւակը
Հանգուցեալ Ալպեր Մալեանի ընտանիք
Տեր եւ տիկին Սամո Սարգիսեան եւ զաւակունք
Տիկին Չարուհի Պաճաքսըզեան եւ զաւակները
Տեր եւ տիկին Մանիէլ Սամալեան եւ զաւակունք
եւ համայն Մալեան, Սարգիսեան, Քէշիշեան, Թոսունեան, Հարիգա, Ֆրէնկիչեան, Պաճաքսըզեան, Սամալեան, Մաշրիգի եւ Տեմիրճեան ընտանիքներ եւ ազգականներ կը գումեն իրենց հօր, մեծ հօր եւ հարազատին՝

ՍԱՐԳԻՍ ԿԻՐԱԿՈՍ ՄԱԼԵԱՆ-Ի

մահը, որ պատահեցաւ Չորեքշաբթի, 11 Օգոստոս 2021-ին:
Յուդարկաւորութեան արարողութիւնը կատարուեցաւ Հինգշաբթի, 12 Օգոստոս 2021, կէսօրէ ետք ժամը 2:00-ին, Նոր Հաճնոյ Ս. Գեորգ եկեղեցւոյ մէջ, ուրկէ հանգուցեալին մարմինը փոխադրուեցաւ Ֆըրն Շրպպէի Ազգային գերեզմանատունը:
Ներկայս ընդունիլ իբրեւ մահազդ:
Ցաւակցութիւնները պիտի ընդունուին հեռաձայնի եւ ընկերայցի ցանցը միջոցով:
Արամ՝ 03/666088 Ռաֆֆի՝ 03/738185
Անի՝ 71/677179 Սիլվա՝ 71/527664

ՄԱՅԱԶԴ

Ոչ եւս է Ասթիտ Մենաք

Ալին Պահատրեան եւ ընտանիք
Արփի Մենաք եւ զաւակները՝ Սթեֆանի եւ Զարին Չէյն
Անիթա Մաժտալանի եւ ընտանիք
Հանգուցեալ Յակոբ Թահանի ընտանիք
Հանգուցեալ Լիւսի Տէյիրմենճեանի ընտանիք
Ժողով Թահան եւ ընտանիք
Շէլլի Թահան
Թահան եւ Մենաք ընտանիքներ
Պահատրեան եւ Մաժտալանի ընտանիքներ
Տէյիրմենճեան եւ Լայյուս ընտանիքներ
Այուլա, Ֆատտուլ եւ Չէյն ընտանիքներ
եւ համայն ազգականներ կը գումեն իրենց հարազատին՝



ԱՍԹԻՏ ՄԵՆԱԶԻ (Ծնեալ՝ ԹԱՅԱՆ)

մահը:
Յուդարկաւորութեան արարողութիւնը տեղի ունեցաւ շաբաթ, 7 օգոստոս 2021-ին, Ս. Նշան մայր եկեղեցւոյ մէջ, Չորեք Պլաթ:
Ներկայս ընդունիլ իբրեւ մահազդ:
Նկատի ունենալով ներկայ պայմանները՝ հանգուցեալին ընտանիքը ցաւակցութիւն պիտի չընդունի:

Ասթիտ Մենաքի մահուան տխուր առիթով, ՉԱՐԹՕՆԸ իր խորագգաց ցաւակցութիւնները կը յայտնէ հանգուցեալ ընկերուիին հարազատներուն եւ ընտանեկան պարագաներուն, ի մասնաւորի Ընկ. Էտի եւ Տիկ. Ալին Պահատրեաններուն:



Վահան Թէքեան Միջն. Վարժարան

ՅԱՅՏԱՐԱՐՈՒԹԻՒՆ

Պէտք է Վահան Թէքեան Միջն. Վարժարանը կարիքը ունի Անգլերէն Լեզուի եւ Գիտական Նիւթերու ուսուցիչ-ուսուցչուհիներու: Նախապայման է, որ թեկնածուները ունենան մասնագիտական որակաւորում, համապատասխանաբար՝ Անգլերէն Լեզուի համար Լեզուի եւ գրականութեան, իսկ Գիտական Նիւթերու պարագային Գիտութեան որակաւորում:

Կը խնդրուի թեկնածուներէն ուղարկել իրենց դիմումներն ու կենսագրական գիծերը (CV), հետեւեալ Ե-նամակին

info@vahantekeyan.com

Բոլոր դիմումները պիտի քննարկուին խորհրդապահութեամբ:

